


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-86	At-Thariq	17	1	Makkiyyah	Ke-36	4



Zaman Diturunkan

Surah at-Thariq juga diturunkan pada peringkat ketiga kehidupan Rasulullah di Mekah di antara tahun ke-6 hingga ke-10 Kenabian, pada ketika itu orang-orang Quraisy sudah mula berkomplot dan membuat perancangan jahat terhadap Rasulullah dan para sahabat.

Perkaitan Surah At-Thariq Dengan Surah Sebelum Dan Selepasnya

Di dalam Surah al-Buruj telah pun disebutkan bahawa orang-orang kafir Quraisy telah terlibat dengan تَكْذِيب (pendustaan) بَلِ الَّذِينَ كَفَرُوا فِي تَكْذِيبٍ. Mereka dinasihati supaya jangan mendustakan al-Qur'an. Di dalam Surah at-Thariq ini pula al-Qur'an disebutkan sebagai suatu ucapan yang serius dan kata pemutus, ia bukan senda gurau (Ayat: 13-14).

إِنَّهُ لَقَوْلٌ فَضْلٌ ۚ وَمَا هُوَ بِأَهْزَلٌ ۝

13. Sesungguhnya keterangan Al-Quran adalah kata-kata pemutus (yang sebenar),

14. Dan bukanlah ia kata-kata yang olok-olok.

Selain daripada menyatakan pendustaan oleh orang-orang kafir, dinyatakan juga di dalam surah ini perancangan jahat yang telah dibuat oleh mereka terhadap orang-orang Islam.

Beberapa Kata Kunci Dan Tema Utama Surah

1. Di dalam Surah at-Thariq manusia diseru supaya menerima kehidupan akhirat dengan mengemukakan dalil-dalil أَنفُسِي dan أَفَاقِي. Allah s.w.t. Maha Berkuasa untuk menghidupkan kembali manusia.
2. Orang-orang yang tidak percaya kepada akhirat diseru supaya menerima kepercayaan adanya hari akhirat dan merenung serta berfikir tentang al-Qur'an yang mengandungi ayat-ayat yang serius, bukan sebaliknya membuat perancangan jahat terhadap orang-orang yang beriman.